


古乐苑 第四册

(明) 梅鼎祚 撰



电子科技大学出版社

古 樂 苑

(第四册)



电子科技大学出版社

图书在版编目 (C I P) 数据

古乐苑:全5册/(明)梅鼎祚撰.--成都:电子科技大学出版社,2017.10
ISBN 978-7-5647-5185-2

I. ①古… II. ①梅… III. ①乐府诗—诗集—中国—古代 IV. ① I222.6

中国版本图书馆 CIP 数据核字 (2017) 第 239303 号

古乐苑 (全 5 册)

(明) 梅鼎祚 撰

策划编辑 刘 愚 杜 倩
责任编辑 刘 愚

出版发行 电子科技大学出版社
成都市一环路东一段 159 号电子信息产业大厦九楼 邮编 610051

主 页 www.uestcp.com.cn

服务电话 028-83203399

邮购电话 028-83201495

印 刷 虎彩印艺股份有限公司

成品尺寸 185 mm×260 mm

印 张 138

字 数 1170 千字

版 次 2017 年 10 月第 1 版

印 次 2017 年 10 月第 1 次印刷

书 号 ISBN978-7-5647-5185-2

定 价 3980.00 (全 5 册)

版权所有,侵权必究

第四冊目錄

古樂苑	卷第三十三		一
古樂苑	卷第三十四		一五
古樂苑	卷第三十五		七一
古樂苑	卷第三十六		一一五
古樂苑	卷第三十七		一五七
古樂苑	卷第三十八		一七七
古樂苑	卷第三十九		二三九
古樂苑	卷第四十		二六一
古樂苑	卷第四十一		二七九

古樂苑	卷第四十二	·····	二九三
古樂苑	卷第四十三	·····	三〇九
古樂苑	卷第四十四	·····	三四九
古樂苑	卷第四十五	·····	三六九

古樂苑卷第三十三

西吳 梅鼎祚 補正

東越 呂胤昌 校閱

襍曲歌辭

漢 並無名氏

蜨蝶行

古辭

蜨蝶之遨遊東園奈何卒逢三月養子燕接我首宿間持
之我入紫深宮中行纏之傳梅樞間雀來燕燕子見銜
哺來搖頭鼓翼何軒奴軒持一作披

同前

梁李鏡遠

青春已布澤微蟲應節歡朝出南園裏暮依華葉端菱

舟追或易風池渡更難羣飛終不遠還向玉階蘭

卷一作年

驅車上東門行

此與冉冉孤生竹並漢十九首中詩

古辭

驅車上東門遙望郭北墓白楊何蕭蕭松柏夾廣路下有陳死人杳杳卽長暮潛寐黃泉下千載永不寤浩浩陰陽移年命如朝露人生忽如寄壽無金石固萬歲更相送賢聖莫能度服食求神仙多爲藥所誤不如飲美酒被服紬與素

駕言出北闕行

藝文題云驅車上東門則此擬作

晉陸機

駕言出北闕躑躅遵山陵長松何鬱鬱
丘墓互相承念

昔殂沒于悠悠不可勝安寢重冥廬天壤莫能興人生
何所促忽如朝露凝辛苦百年間戚戚如履冰仁知亦
何補遷化有明徵求仙鮮克仙太虛安可凌良會罄美
服對酒宴同聲

安可凌一作不可凌

傷歌行

傷歌行則調曲也古辭傷日月代謝年命道盡絕離知夫傷而作歌也玉臺作魏明

帝

古辭

昭昭素明月輝光燭我牀憂人不能寐耿耿夜何長微
風吹闥闥羅帷自飄揚攬衣曳長帶屣履下高堂東西
安所之徘徊以彷徨春鳥翻南飛翩翩獨翱翔悲聲命
儔匹哀鳴傷我腸感物懷所思泣涕忽霑裳佇立吐高

吟舒憤訴穹蒼

翻一作向

悲歌

古辭

悲歌可以當泣遠望可以當歸思念故鄉鬱鬱纍纍欲歸家無人欲渡河無船心思不能言腸中車輪轉

前緩聲歌

按緩聲本爲歌聲之緩非言命也陸機前緩聲歌言將前蔡仙遊冀命長緩謝惠連後緩聲歌大畧戒居高

位而爲謫詔所蔽與前歌異

古辭

水中之馬必有陸地之船但有意氣不能自前心非木石荆根株數得覆蓋天當復思東流之水必有西上之魚不在大小但有朝於復來長笛續短笛欲令皇帝陛下三千萬

同前

晉陸機

遊仙聚靈族高會曾城阿長風萬里舉慶雲鬱嵯峨宓
妃興洛浦王韓起太華北徵瑤臺女南要湘川娥肅肅
霄駕動翩翩翠蓋羅羽旗棲瓊鸞玉衡吐鳴和太容揮
高弦洪崖發清歌獻酬既已周輕舉乘紫霞摠轡扶桑
枝濯足暘谷波清輝溢天門垂慶惠皇家

枝一作底

同前

宋孔寧子

供帳設玄宮衆仙胥亞炤炤二儀曠雍容風雲暇北
伐太行鼓南整九疑駕笙歌興洛川鳴蕭起秦榭鈞天
異三代廣樂非韶夏滿堂皆人靈列筵必羽化烏可循

日留兔自延月夜弱水時一濯扶桑聊暫舍兆旬方履
端千齡

八蜡

同前

梁沈約

羽人廣宵宴帳集瑤池東開霞汎綵靄澄霧迎香風龍
駕出黃苑帝服起河宮九疑轡煙雨三山馭螭鴻玉鑾
乃排月瑤較信凌空神行燭玄漠帝旆委曾虹簫歌美
羸女笙吹悅姬童瓊漿且未洽羽轡已騰空息鳳曾城
曲滅景清都中隆祐集皇代委祚溢華嵩

後緩聲歌

一作前
緩聲歌

宋謝惠連

羲和織阿去嵯峨觀物知命使余轉欲悲歌憂戚人心

曾處山勿居峰在行勿爲公居峰大阻銳爲公遇讒蔽
邪琴自踈越雅韻能揚揚滑滑相混同終始福祿豐

緩歌行

宋謝靈運

飛客結靈友凌空萃丹丘習習和風起采采彤雲浮娥

皇發湘浦宵明出河洲宛宛連螭轡裔裔振龍旒一作流

旒一作轉
此首闕

枯魚過河泣

古辭

枯魚過河泣何時悔復及作書與魴鱖相教慎出入

古咄咄歌

潘安仁笙賦曰詠園桃之天天歌棗下
之纂纂歌曰棗下纂纂朱實離離宛其
死矣化爲枯枝纂纂棗花也棗之纂纂盛貌實
之離離將衰言榮謝之各有時也棗下何纂纂

此出

古辭

棗下何攢攢榮華各有時
棗欲初赤時人從四邊來
棗適今日賜誰當仰視之

闕誤

棗下何纂纂

梁簡文帝

垂花臨碧澗結翠依丹巘
非直入遊宮兼期植靈苑
落日芳春暮遊人歌吹晚
弱刺引羅衣朱實凌還憶
且歡洛浦詞無羨安期遠

同前

二首

隋王胄

柳黃知節變草綠識春歸
復道含雲影重簷照日輝
御柳長條翠宮槐細葉開
還得聞春曲便逐鳥聲來

古八變歌

選詩拾遺云古歌有八變九曲之名未詳其義

古辭

下同

北風初秋至吹我章華臺浮雲多暮色似從崦嵫來枯
桑鳴中林絡緯響空堦翩翩飛蓬征愴愴遊子懷故鄉
不可見長望始此回

豔歌

又謂之妍歌辭曰妍歌展妙聲發曲吐今辭又沈沈江漢萍飄蕩永無根又庭中有奇樹

上有悲鳴蟬又青青陵中草傾葉暝朝日陽春被惠澤枝葉可攬結皆妍歌之遺句

今日樂上樂相從步雲衢天公出美酒河伯出鯉魚青
龍前鋪席白虎持榼壺南斗工鼓瑟北斗吹笙竽姮娥
垂明璫織女奉瑛琚蒼霞揚東謳清風流西歛垂露成
帷幄奔星扶輪輿

樂府

行胡從何方列國持何來
毳毼毼五木香迷迭艾蒿

及都梁

五木香
作五味

古樂府

蘭草自然香生於大道
傍腰鎌八九月俱在東
薪中

襍歌

一作
雜歌

晨行梓道中梓葉相切磨
與君別交中緒如新
縑維裂之有餘絲吐之無還期

維一作
羅

古歌

上金殿著玉樽延賓客
入金門入金門上金堂
東厨具

肴膳椎牛烹猪羊主人前進酒彈瑟爲清商投壺對彈
碁博奕並復行朱火颺煙霧博山吐微香清樽發朱顏
四坐樂且康今日樂相樂延年壽千霜

古歌

秋風蕭蕭愁殺人出亦愁入亦愁座中何人誰不懷憂
令我白頭故地多颺風樹木何脩脩離家日趨遠不帶
日趨緩心思不能言腸中車輪轉

古歌

太平御覽終久
作穠穆焉作安

高田種小麥終久不成穗男兒在他鄉焉得不憔悴

古歌銅雀辭

太平御覽作
魏文帝歌

長安城西雙員闕上有一雙銅雀宿一鳴五穀生再鳴

五穀熟

文選注所引遺宿字

古絕句

四首

葉砧今何在山上復有山何當大刀頭破鏡飛上天

葉砧

砧也謂夫也山上有山出也大刀頭刀上鏢也破鏡言半月當還也

日暮秋雲陰江水清且深何用通音信蓮花玳瑁簪

菟絲從長風根莖無斷絕無情尚不離有情安可別

南山一樹桂上有雙鴛鴦千年長交頸歡慶不相忘

古五襍組詩

古辭

五襍組岡頭草往復還車馬道不獲已人將老